

www.BibleForChildren.org



Genesis 6



Nol-avq dai khi aivq nail phaqaq
ma yaq nail ganl neq, niail hai
ngaol: Nol-avq neq, tsaq nail
daol nail teevq gaq pevq nail
ngaol. Aqyanq al yang miltsaq
kovtavq bhai, teevq gaq

teevq-eel oeqbal thaq

duq maq

jiav nail gaq pevq

nail ngaol. Aivq neq,


Miqyail nail

sivtavq bhai ail


lal khi aqdoevq doevq

nail gaq pevq nail

ngaol.



Miqyail miltsaq kovtavq bhai
hel daiq-u phao, kha dai
hageiv nail bhai ya moel-a
nail ngaol. Khul khi mail dai
ngal-aq, tsaol-aq yaq juq iqsanl
oqbal mail bhee nail ngaol.




Aq-u phao, Miqyail Nol-avq bhai ge bhiq-a
nail: "Ngal tsaol-aq yaq iqsanl bhai lav cov
nail galduq noeq ceiv-aog nail ngaol.
Miltsaq niil neq, aqyu juq nail hageiv nail
phaq-i mail bhee nail ngel-i mail,
aqyu juq khi miltsaq niil iqsanl
bhai, ngal lav
peivq gil
nail ngaol.



Al heel ngel-i mail, naol, haoqlil nail
aqbhaol-i mail laovq laovq ma teevq laovq
cov yaoq. Lavqkhoel phao aqkhaon lav
sav khi lavqniil lavqkhoel
iqsanl mail teivqnav-i mail
leivq tsoiq gil yaoq."





Laovq al laovq neq,
heelma phao 300 cav,
eeq nail phao 50 cav dai
khi, daqmoe phao 30 cav
ya bhi bhee nail ngaol.




"Naoq nail phaqaq ma yaq
nail galduq dai khi, jaiqyaq
juq nail galduq, yaoq phaqaq
yaoq-aol nee lovq lai dai
jaq jaq daol daol oil bhoel
gai yaoq" dai, ge bhiq-a
nail ngaol.



Ulcuvq deq phee q nail gaiqlaq bhai, aqdoevq bhi doevq
nail galduq, aqdoevq khal doevq nail jaiqyaq juq iqsanl
mail, teevq pha q nail aqphoil aqma teevq gu dai, laovq
lavqkhoel bha, naoq-ai nee khul
bhoel gil laivq
yaoq.




Naoq-ai nee mail teevq gaq khe-ai haol
nail jaiqyaq juq bhai aqphoil aqma teevq
phaq nail sivq gu dai, khul bhoel yaoq. Maq
haol nail jaiqyaq juq neq, teevq pha q nail
teevq gu taivq-ail, khul bhoel yaoq.





Nol-avq dai khi
aivq nail khaqma
maqkhaiq, aivq
nail yaqyov juq dai
khi aqyu juq nail khaqma
juq maqkhaiq, ulcuvq deq
phee q nail nee ya jel-ail nail
galduq, laovq lavqkhoel bha aol
gil lai-a nail ngaol.





Nol-avq nail aqkovq 600 kovq
bhee lal khi, nvq heeq heeq 17 n bhai,
miltsaq daoqthaoq nee mail ulcuvq dov
lal-a nail nee ovqtavq, nqtavq khe ulcuvq
nail lolgov juq iqsanl mail, phao ha gil khi,
maoq-aol aol dee dee lee-a nail ngaol.





Miltsaq kovtavq bhai 40 n bhee dai,
nqkiv n-gaol maq naq dai, maoq-aol
aol lee-a nail ngaol.



Ulcuvq deq dav lal dee dee-u
phao, laovq laovq ma al laovq
gail ulcuvq nail kovtavq bha
bhoie nail ngaol.



Ulcuvq al jaiq-ail deq dav lal-a nail ngel-i mail, daqmoe khal moe nail gaoqjaoq juq iqsanl mail, ulcuvq-i mail deq phee q gil-a nail ngaol. Al heel ngel-i mail, miltsaq kovtavq khe aghaq gaol khi aqdoevq khal doevq nail juq iqsanl mail sil gil-a nail ngaol.



Thail hai ngaol-aoq, Heeqphaq Miqyail
neq, Nol-avq dai khi aivq nee mail teevq
gaq khe-ai laovq laovq ma nail lavqkhoel
bha jaol nail haqtsoiq jaiqyaq juq bhai
khi tsu nail jaiqyaq juq bhai, maq
nioil peivq-ail.



Al heel ngel-i mail, miltsaq kovtavq
bhai lilmoel bhi bhoel lal khi, ulcuvg
sivq kha ail-a nail ngaol.





Haoqnao teevq pov ulcuvaq
sivq-ail khi, miltsaq moel
lal-aog thaq-al laiq dai, ya
heeq kivq nail haqbhoil,
Nol-avq neq, khaoqkhoiq teevq
maol, gaoq phaiq dov gai-aivq
daiq thaq nail ngaol.



Nvq la bhala nvq tsel sivq n n-gaol neq, miltsaq aqmeeq
dai, gee gil lai-a nail ngaol. Aq-u phao, Miqyail
Nol-avq bhai ge bhiq-a nail: "Naol naoq
nail khaqma, yaqyov juq dai khi
mail khiqma juq nee
mail teevq gaq khe-ai,
laovq laovq ma
nee mail
dov-ail
yaoq."



Aq bhai nee ngal-aq,
Nol-avq neq,
Heeqphaq Miqyail
bhai laol bhiq nail
haqbhoil, laolduq lav
sav khi, aqhaol haol nail
jaiqyaq juq dai khi, aqhaol
haol nail keivq-avq juq nail
lavqkhoel khe nieivq
dov-a nail nee

ovqtavq, laolduq
kovtavq bhai,
miqjaq kheq poiv
khi laol bhiq-a nail
ngaol.






Naoq-ai nee
teevq gaq khe-ai
teevq yeel nee
teevq yeel, aqdoevq
khal doevq nail pha
iqsanl mail dai khi, ngal
khaqmao gail, jaq-ai tha
nail

daoqma saljial nail
salkhil pevq dai, nqdil
lavqkhoel bhai, ngal
haildallalkov bhi dov
lal nail ngaol. Haildallalkov
al laiq neq, miltsaq dai khi,
ngal daoqma saljial jaq
tavq-a nail salkhil ngaol.





Ngal nqtavq
kovtavq bha nqdil
bhi dav lal khi,
nqdil nail lavqkhoel
bhai, haidallalkov dov
lee nail yaoq pov
yaoq-ao nee,

aqdoevq doevq nail
juq yaoq pha q yaoq-ao
nee bhai, yaqhao teevq
pov ulcuvq deq phee q
khi, maq lav heivq-ail
dai, nul juq dai khi,



Miqyail neq, Nol-avq
dai khi aivq nail yaqyov juq bhai
geeqlaoq bivq khi, aqyu juq bhai
ge bhiq-a nail: "Miltsaq doi dai
bhijaol bhee-ail nail galduq,
yaq mao dai bhao yaoq.



Laovq laovq ma nail
lavqkhoel nee dov ail-a nail
Nol-avq nail yaqyov juq neq Seiq
mav, Haq mav dai khi Yaq phai
juq ngaol. (Haqmav neq
Khaqnanq nail aqbhu
pevq nail ngaol).



Miltsaq kovtavq khe
khal jaol nail tsaol-aq yaq
juq neq, Nol-avq nail yaqyov
hail gaq nee mail jeq lee el
lee thaq nail juq
pevq nail ngaol."



Yeiqsul gaoq ge nail: Miqyail miltsaq
yaq bhai gaiq-a dee dee nail ngel-i mail,
aivq nail Yaqyov teevq gaq teevq-eel
ngaol-aog, bivq lavq-a nail ngaol.
Yaqyov bhai neema khal thaq tsaol
nail tsaol-aq maq ya cov ail nail
nee ovqtavq, nqmaq maqluv
halyeel ya doevq
nail ngaol.



Lolmav 3:23 Khul khi mail dai ngal-aq neq, tsaol-aq iqsanl mail oeqbal nl-a nail ngel-i mail, Miqyail nail seiqleiq khaoqsail bhai maq ya nia-ail.

Lolmav 6:23 Oeqbal nail aqphoiq neq, ya sil nail ngaol. Thail hai ngaol-aq, Miqyail-i mail ngadao bhai aqnieivq ail bivq lavq-a nail kovpavq neq, ngadao nail Heeqphaq Yeiqsul Khali bhaq da nee, nqmaq maqluv halyeel ya doevq nail ngaol.

Heiqbhail 9:27 Ngadao tsaol-aq teevq pov ya sil khi, yaqhao yalkhaq dal nail bhai ya daq nail ngaol.



Eilpheilsu 2:8,9 Nul juq neema thaq tsaol nail lavqkhoel Miqyail nail geeqlaoq eel jaol bhaq da nee, hevq kovq nail pha q ya-a nail ngaol. Yovqgavq bhai yovqgavq nl-a hal-a nail bhaq da nee ya-a nail maq ngel-ail. Miqyail-i mail bivq lavq-a nail kovpavq ngaol. Nl nail hal nail bhaq da nee ya-a nail maq ngel-ail. Al heel ngel-i mail, tsaol-aq teevq gaq iqsanl neema eeq duq maq jiav-ail.

Lolmav 10:9,10 "Yeiqsul neq, Heeqphaq ngaol" dai, naoq nail moeqthaoq khanq khi, "Miqyail aivq bhai bhi doevq kovq lal-a nail ngaol" dai, naoq nail neema lavqkhoel nee, neema thaq tsaol haq neq, Miqyail naoq bhai hevq kovq lavq nail ngaol. Neema lavqkhoel nee, neema thaq tsaol nail ngel-i mail, Miqyail nail sivtavq bhai tsaq nail daol nail tsaol-aq pevq lal khi, moeqthaoq khanq-a nail ngel-i mail, hevq kovq nail pha q ya-a nail ngaol.



Yaolhaq 3:16,17 Yeiqsul gaoq ge nail: "Miqyail miltsaq yaq bhai gaiq-a dee dee nail ngel-i mail, aivq nail Yaqyov teevq gaq teevq-eel ngaol-aog, bivq lavq-a nail ngaol. Yaqyov bhai neema khal thaq tsaol nail tsaol-aq maq ya cov ail nail nee ovqtavq, nqmaq maqluv halyeel ya doevq nail ngaol.

Khul khi mail dai ngal-aq neq, miltsaq yaq bhai yalkhaq bhi dal nail dai khi, Miqyail aivq nail Yaqyov miltsaq bhai bhi lee-a nail maq ngel-ail. Miltsaq yaq bhai bhi hevq kovq lee-a nail ngaol."



1 Yaolhaq 5:11-13 Miqyail salkhil khanq nail al neq, ngadao bhai nqmaq maqluv halyeel doevq nail phaqa bivq lavq-a nail ngaol. Nq maq maq luv hal yeel doevq nail al neq, aivq nail Yaqyov nail lavqkhoel bhai aol nail ngaol.

Yaqyov bhai hav bhoel nail tsaol-aq, doevq nail phaqa ya nail ngaol. Yaqyov bhai maq hav bhoel nail tsaol-aq, doevq nail phaqa maq ya-ail.

Miqyail nail Yaqyov nail aqmil bhai neema thaqa tsaol nail nul juq, nqmaq maqluv halyeel doevq nail phaqa ya nail ngaol dai, nul juq ya heeq kivq dai, ngal nul juq bhai haoqqavq niil gevq bhoel-ai leevq-a nail ngaol.



Genesis 6 - 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Akeu Bible (aeu) © 2016, Wycliffe Bible Translators,
Inc. All rights reserved.

<https://live.bible.is/bible/AEUWBT/GEN/1>

©2024 Bible for Children, Inc.

www.M1914.org

www.bibleforchildren.org

